

*Kurfürst Friedrich von Sachsen schlichtet die zwischen der Universität und dem Rathe der Stadt Leipzig entstandenen Streitigkeiten wegen des Bierschanckes und erläßt eine für drei Jahre gültige Ordnung.*  
Weissenfels, 1440 Mai 30.

*Hdschr.: Concept Hauptstaatsarchiv Dresden Copialbuch 40 fol. 6.9b.*

5

Uff gebrechen und irriß als zzwischen den achtbarn und wirdigen meistern, lerern und allen andern geliddern gemeynlichin der hoenschulen zcu Lipczk uf eine, burgermeister, ratmann und ganczen gemeynen daselbst uff die ander sieten von des bierschenckens wegin uferstanden ist, das nu furder kein ander unwillle zzwischen den obgerurten teilen inrisse und sie eyntrechtlichin bey einander also das billich ist ir wesin gehalten mogen, thun und machen wir Friderich von gotes gnaden herczog zcu Sachsen, des heiligen Romischen richs erzmarschalk und kurfurste, lantgrave in Doringen und marcgrave zcu Missen, mit unsern reten eynmütlich eyne ußsaczung und ordenung wie es zzwischen den obgemelten teiln von des bierschenckens wegin hin- furder uf dry iar nehist noch eynander von dato dißes briefs folgende solle gehalten werden, inmassen als hirnach folget. Czum ersten seczen und orden wir, das die meister und lerer im grossen collegio iczliche woche besundern zcwey halbe fuder, die meister und lerer im cleynen collegio igliche woche besundern eyn halb fuder und die meister und lerer im dritten collegio bie unser liben frauwen kirchen gelegin, alle viercentage glich ein halb fuder Numburgischs ader ander bier, wellichs yn aller beqwemst ist, in 20 unser stat Lipczk in ir collegia furen sollen und mogen zcu irer und irer glidder gebuchung und nuczung ane ydermans intrag und hinderniß. Die meister und lerer obgnant sollen auch bestellen in iren collegien mit iren schencken und dienern, das ir bier wissentlichin keinem burger, koufmann noch gaste uß iren collegien verkouft werden heymlich noch offentlig ungeverlich, sundern sie sollen sollicher bier zcu irer und irer glidder notturft alleyne und nicht anders gebruchen und gnissen. Erkenten wir auch das unser hoeshule sich an glidder meren und zcunemen wurde und an sollicher zcal biers als obinberurt ist nicht mochten eyne gnuge haben, so behalden wir uns macht furder noch der unsern rate doryn zcu sprechen und eine ander ußsaczung und ordenung zcu machen bynnen der obgerurten ader noch ußgange der obgerurten zciit wann uns des eine notturft sin duncket. Und was wir itzunt gesaczt und geordent haben oder furder thun wurden, das sal von beiden teiln obgnant stete und vestiglich gehalten werden bie vermydung unser großen ungnaden. Zcu orkund haben wir iczlichem teile eine zcedel mit unser liben gemaheln insigile versigelt gebin zcu rechtem bekentnisse zcu Wissenvels am montage noch Urbani anno domini 2c. quadragesimo.

35